

BOSNA I HERCEGOVINA
FEDERACIJA BOSNE I HERCEGOVINE
SREDNJOBOSANSKI KANTON
MINISTARSTVO PRAVOSUĐA I UPRAVE

Broj: 03-05-190/2019
Travnik, 6. 11. 2019. godine

Ministarstvo pravosuđa i uprave Srednjobosanskog kantona, na osnovu člana 29. stava 1. Zakona o udruženjima i fondacijama ("Službene novine Federacije BiH", broj: 45/02) i člana 200. stava 1. Zakona o upravnom postupku ("Službene novine Federacije BiH" broj: 2/98 i 48/99) postupajući po zahtjevu Alumni kluba IU Travnik sa sjedištem u Travniku, u predmetu upisa u Registar udruženja, donosi sljedeće

RJEŠENJE

1). Upisuje se u Registar udruženja, koji vodi Ministarstvo pravosuđa i uprave Srednjobosanskog kantona, udruženje pod nazivom: ALUMNI KLUB IU TRAVNIK. Skraćeni naziv udruženja je: Alumni klub IUT-a. Sjedište udruženja je u Travniku, Aleja Konzula- Meljanac bb

2.) Upis je obavljen pod reg. br. 235, u knjizi 08, dana 6. 11. 2019. godine, kada je udruženje steklo svojstvo pravnog lica.

3). Ciljevi osnivanja udruženja su:

- Uspostavljanje i održavanje trajne veze između Internacionalnog univerziteta Travnik u Travniku i njegovih studenata nakon završetka fakulteta;
- Povezivanje svih bivših studenata Internacionalnog univerziteta Travnik u Travniku u Alumni asocijaciju kako bi se omogućila njihova međusobna suradnja;
- Unapređenje rada Internacionalnog univerziteta Travnik u Travniku kao obrazovne i naučno-istraživačke institucije u smislu posjedovanja adekvatnih i blagovremenih informacija koje mogu obezbjediti članovi Alumni kluba.
- Razvijanje saradnje Internacionalnog univerziteta Travnik u Travniku sa poduzećima /privrednim društvima i institucijama u kojima su angažovani bivši studenti, te sa predstavnicima akademске i izvršne vlasti BiH;
- Motivacija i unapređenje članova Alumni kluba u kontekstu poticanja stručnih i naučno-istraživačkih aktivnosti;
- Učešće u međunarodnoj naučnoj i stručnoj razmjeni i uspostavljanje relacija sa Alumni klubovima iz regionala i šire;
- Afirmacija mesta u razvoju društva;
- Zaštita interesa struke prema kodeksu i pravilima struke;
- Diseminacija znanja u šиру javnost.

4). Alumni klub IU Travnik će djelovati na području Srednjobosanskog kantona.

5). Lice ovlašteno za predstavljanje i zastupanje udruženja je:
-ALMEDINA HATARIĆ, predsjednik Udruženja



6). Udruženje je dužno ovom Ministarstvu prijaviti promjenu statuta, naziva, sjedišta, djelatnosti, lica ovlaštenih za predstavljanje i zastupanje, članova tijela upravljanja, pripajanje, razdvajanje ili transformaciju i prestanak rada udruge, u roku od 30 dana od dana obavljene promjene.

O b r a z l o ž e n j e

ALUMNI KLUB IU TRAVNIK sa sjedištem u Travniku, a koji Klub zastupa Almedina Hatarić, presjednik Kluba, podnio je 28. 10. 2019. godine, Ministarstvu pravosuđa i uprave Srednjobosanskog kantona, Zahtjev za upis Udruženja u Registar udruženja koji se vodi kod ovoga ministarstva.

Uz Zahtjev za upis dostavljena je dokumentacija propisana članom 28. Zakona o udruženjima i fondacijama ("Službene novine Federacije BiH", broj 45/02).

U provedenom postupku za upis u Registar utvrđeno je sljedeće:

-ALUMNI KLUB IU TRAVNIK, osnovan je Odlukom o osnivanju udruženja od 16. 10. 2019. godine

- 28. 10. 2019. godine Udruženje je podnijelo Zahtjev za upis u Registar udruženja,
- Statut udruženja urađen je u skladu sa članom 14. Zakona o udruženjima i fondacijama ("Službene novine Federacije BiH", broj 45/02),
- dostavljena je Odluka o licu ovlaštenom za predstavljanje i zastupanje Udruženja od 16. 10. 2019. godine,
- dostavljen je Popis članova Upravnog tijela,
- dostavljene su fotokopije ličnih karata,
- dostavljena je Saglasnost broj 01-1710/19 od 1. 11. 2019. godine za upotrebu naziva općine Travnik u nazivu kluba
- Udruženje će ostvarivati ciljeve navedene u dispozitivu ovoga Rješenja.

S obzirom na to da su ispunjeni svi zakonski uvjeti za upis u Registar udruženja: ALUMNI KLUB IU TRAVNIK, Ministarstvo pravosuđa i uprave Srednjobosanskog Kantona, donijelo je Rješenje kao u dispozitivu.

Naknada na ovo Rješenje naplaćena je po tački I Rješenja o visini naknada za upis udruženja u Registar udruženja ("Službene novine Srednjobosanskog Kantona", broj 4/2010) u iznosu od 100,00 KM u korist računa otvorenog kod NLB Banka d.d. Tuzla, broj: 132-010-20125367-50, vrsta prihoda 722 121, poziv na broj 0141000000, budžetska organizacija 1301001.



Pouka o pravnom lijeku: Protiv ovog rješenja nije dopuštena žalba, ali se može pokrenuti upravni spor kod nadležnog Kantonalnog suda u roku od 30 dana od dana prijema Rješenja. Tužba se predaje neposredno ili šalje poštom, a može se podnijeti i na zapisnik kod Kantonalnog suda u Novom Travniku ili kod drugog suda u roku od 30 dana od dana dostavljanja ovog Rješenja.



Dostaviti:

- imenovanim
- Ministarstvu obrazovanja, nauke, kulture i sporta
- Federalnom ministarstvu pravde
- zbirka isprava
- a/a